



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM
Komisija za ostvarivanje
jednakosti spolova u BiH
Broj: 01/8-011-202/01
Sarajevo, 19.4.2001 god.

Z A P I S N I K

3. sjednice Komisije za ostvarivanje jednakosti spolova u BiH Zastupničkog doma Parlamentarne skupštine Bosne i Hercegovine, održane 19.travnja 2001.godine

Sjednica je počela u 16,30.

Sjednicom je predsjedala Violeta Kamberović, predsjedavajući Komisije.

Sjednici su bili nazočni: dr. Mediha Filipović, Abdurahman Malkić, Amor
Mašović, Hilmo Neimarlija, Bahrija Osmanović, Dušan Stokić i Momir Tošić.

Sjednici nije bio nazočan Mirko Baković.

Za sjednicu je predložen i usvojen sljedeći

D N E V N I R E D

1. Usvajanje Zapisnika sa 1. i 2. sjednice Komisije
2. Primjedbe upućene od strane Stranke žena BiH na članak
4.19.stavak 4. Nacrta izbornog zakona BiH
3. Informacija sa Konferencije održane od 6 - 8 ožujka 2001. u
organizaciji OSCE-a na temu "Strateški koraci ka jednakosti spolova"
4. Tekuća pitanja.

Ad-1.

Zapisnici sa 1 i 2. sjednice Komisije za ostvarivanje jednakosti spolova
u BiH usvojeni su bez primjedbi.

Ad-2

Primjedbe upućene od strane Stranke žena BiH na članak 4.19.stavak 4. Nacrta izbornog zakona BiH

Članovima Komisije dostavljen je dopis Stranke žena BiH prethodno upućen predsjedavajućem Komisije. Primjedbe se odnose na kvotu zastupljenosti kandidata ženskog spola na izbornim listama s prijedlogom da ta zastupljenost ubuduće bude u omjeru 50:50.

U raspravi su sudjelovali: Dušan Stokić, Amor Mašović, Momir Tošić, Bahrija Osmanović, dr. Mediha Filipović, Hilmo Neimarlija i Abdurahman Malkić.

Dušan Stokić je istakao da se na izbornim listama može obezbjediti 50% kandidata ženskog spola ali upitno je kakvi će biti rezultati njihovog izbora.

Dr. Mediha Filipović je mišljenja da bi bilo dobro analizirati koliko % od članstva u jednoj stranci ima jednog i drugog spola za učešće na izbornim listama.

Abdurahman Malkić predlaže da se sugeriše političkim strankama da na izbornim listama imaju zastupljeno više kandidata ženskog spola, a da to pitanje regulišu u svojim aktima.

Komisija je primjedbe odnosno sugestije Stranke žena BiH primila ka znanju i zaključila da je potrebno sačekati dostavljanje u parlamentarnu proceduru teksta Izbornog zakona BiH i tada animirati stav Komisije po ovom pitanju.

Ad-3

Informacija sa Konferencije održane od 6 - 8 ožujka 2001. u organizaciji OSCE-a na temu "Strateški koraci ka jednakosti spolova"

Imajući u vidu da je informacija članovima Komisije neblagovremeno dostavljena na Komisiji je zauzet stav da se ova točka dnevnog reda razmatra na narednoj sjednici Komisije.

Ad-4

Tekuća pitanja

Zauzet je stav da se u nazivu Komisije riječ "jednakost" zamijeni rječju "jednakopravnost" iz razloga što je u dosadašnjoj formulaciji načinjena najvjerovatnije greška u prevodu. U Orijentacionom planu rada Vijeća ministara Bosne i Hercegovine za 2001. godinu kao i Planu Zastupničkog doma predviđeno je donošenje Zakona o jednakopravnosti/ravnopravnosti spolova u Bosni i Hercegovini.

Dogovoreno je da se ubuduće sjednice Komisija zakazuju sat ranije prije početka termina održavanja sjednica Zastupničkog doma Parlamentarne skupštine BiH.

Sjednica je okončala rad u 17.00 sati.

Za tajnika Komisije
Emira Češljarić



Predsjedavajući Komisije
Violeta Kamberović

